

Zein da auzoko egoera?

Arrosadiak ez du haur eskola euskaldunik. 2011. urterako haur eskola berri bat irekiko dute auzoan eta berau euskalduna izatea izan behar du gure erronka nagusiak. Oraingoz ez dute haur eskola berriaren eredua zehaztu, baina arrotza izanen dela iragartzeko aski arrazoi badugu azken urteotan UPN-PSNren ibilbidea zein izan den ikusirik. Auzo euskaldun honek haur eskola euskalduna behar du; Hegoalde eskola publikora joanen diren haurrek eskubide osoa dute hezkuntza prozesu luzearen lehen urratsak ere euskaraz emateko.

Hegoalde eskola publikoak D eredua eskaintzen badu ere, oraindik eredu arrotzekin hezten dira ikasle aunitz. Arrosadia erabat euskalduntzeko bidean, ezinbestekoa izanen zaigu eskola orok gure hizkuntza darabilen eredua erabiltzea.

DBHko ikasketak akitu ondoan, Arrosadiako auzokideek ez dute haien formakuntza profesionala euskaraz jasotzeko aukerarik. NUPera joan edo LHaren bidea hautatu, erdaraz ikastera behartuak izanen dira. NUPEk karrera bakarra eskaintzen du euskaraz (irakasle ikasketak) eta ez modalitate guzietan gainera. Beste ikasketetan irakasgaiaren bat euskaraz emateko aukera arras gutxitan dute irakasleek. Lanbide Heziketa, berriz, hizkuntza inposatuan besterik ezin da kurtsatu.

Ezin dugu geldirik geratu gure hizkuntza hiltzera kondenatzen ari dutelarik. Egunero zure hizkuntza eskubideak aldarrikatuz (ezabaketak, euskararen telefonoa, manifestazioak,...) eta, batez ere, euskara erabiliz lortuko dugu gure mintzairak behar duena. Ezin dugu gibelat pausurik eman, gureari ekin behar diogu. Euskaraz biziz, Arrosadia eta Euskal Herri euskalduna lortuko dugu!

**ESKOLAK EUSKALDUNDU BEHAR DU:
ARROSADIAN HEZKUNTZA SISTEMA EUSKALDUNA ORAIN!**

Arrosadiako euskal herrian euskaraz



Zein da auzoko egoera?

Arrosadiak ez du haur eskola euskaldunik. 2011. urterako haur eskola berri bat irekiko dute auzoan eta berau euskalduna izatea izan behar du gure erronka nagusiak. Oraingoz ez dute haur eskola berriaren eredua zehaztu, baina arrotza izanen dela iragartzeko aski arrazoi badugu azken urteotan UPN-PSNren ibilbidea zein izan den ikusirik. Auzo euskaldun honek haur eskola euskalduna behar du; Hegoalde eskola publikora joanen diren haurrek eskubide osoa dute hezkuntza prozesu luzearen lehen urratsak ere euskaraz emateko.

Hegoalde eskola publikoak D eredua eskaintzen badu ere, oraindik eredu arrotzekin hezten dira ikasle aunitz. Arrosadia erabat euskalduntzeko bidean, ezinbestekoa izanen zaigu eskola orok gure hizkuntza darabilen eredua erabiltzea.

DBHko ikasketak akitu ondoan, Arrosadiako auzokideek ez dute haien formakuntza profesionala euskaraz jasotzeko aukerarik. NUPera joan edo LHaren bidea hautatu, erdaraz ikastera behartuak izanen dira. NUPEk karrera bakarra eskaintzen du euskaraz (irakasle ikasketak) eta ez modalitate guzietan gainera. Beste ikasketetan irakasgaiaren bat euskaraz emateko aukera arras gutxitan dute irakasleek. Lanbide Heziketa, berriz, hizkuntza inposatuan besterik ezin da kurtsatu.

Ezin dugu geldirik geratu gure hizkuntza hiltzera kondenatzen ari dutelarik. Egunero zure hizkuntza eskubideak aldarrikatuz (ezabaketak, euskararen telefonoa, manifestazioak,...) eta, batez ere, euskara erabiliz lortuko dugu gure mintzairak behar duena. Ezin dugu gibelat pausurik eman, gureari ekin behar diogu. Euskaraz biziz, Arrosadia eta Euskal Herri euskalduna lortuko dugu!

**ESKOLAK EUSKALDUNDU BEHAR DU:
ARROSADIAN HEZKUNTZA SISTEMA EUSKALDUNA ORAIN!**

Arrosadiako euskal herrian euskaraz

